



Dahniq Gip Nyapnyaj

捡破烂的小姑娘

贵港市覃塘区蒙公乡凌寺小学五(1)班 卢嘉

Miz ngoenz singhgiz ndeu, gou sij cozyez sat le, couh angqvauvau buet okbae guhcaemz lo.

Ngamq buet ok bakdou, couh dingqny sing yienj “sa sa sa”. Gou baez yawj, yienzlaiz dwg dah niq miz cib bi baedauq ndeu, cingq yungh song fwngz youq ndaw nyapnyaj henz loh gip nyapnyaj. Dah niq neix daenj geu buh youh vaih youh uq ndeu, gwnz din daenj doiq haiznaeng vaih ndeu youh hung youh raez, di ndeu hix mbouj hab din. Raek aen daehndaij ndeu, raen gij huqfeiq ndaw nyapnyaj ndaej dawz bae gai haenx, couh

cuengq haeuj daeh bae. Sawqmwh, de raen youq geh nyapnyaj miz bonj saw ndeu, couh menhmenh gip hwnjdaeu, yungh fwngz menhmenh uet seuq bae, lauhei dawz saw loengh vaih. Doek-laeng, de couh maeuq roengzdaeu, nyinhcaen bienj bonjsaw yawj. De yawj ndaej gig haeujmaez, lienj gou byaij daengz baihlaeng de, de cungj mbouj rox. Gou yawj bonjsaw ndaw fwngz de, anj lo: Bonj saw neix mbouj dwg haemhlwenz gou ngamq vut ma? Seizneix de roxnyinh daengz baihlaeng miz vunz lo, gipmuengz dawz saw haep hwnjdaeu, cienq ndang gvaqdaeu laulili dwk yawj gou. Gvaq yaep he, de menhmenh daij ndaw daehbuh dawz gaiq sujbaq ndeu okdaeu, siujsim

dwk dawz saw bau ndei, riu aendaeh coux huqfeiq yaek byaij bae. “Caj yaep he!” Gou sawqmwh miz aen siengjap ndeu, ganjgip buet haeuj ranz bae, daij gwnz gyaqsaw aeu bonj saw 《Seiqgyaiq Gojlgwnyez》 gou yo haujai nanz haenx, byaij daengz baihnaij de, gangj: “Dahnuengx, bonj saw neix soengq hawj mwngz!” De yawjyawj bonjsaw, youh ngiengx gyauej yawjyawj gou, raemxda youq ndaw lwgda cienqlulu. Dahniq song fwngz ciep dawz bonjsaw, byaij bae lo.

Gou dinghdingh ndwn dwk, yawj de yied bae yied gyae lo, raemxda gou nyaenx mbouj ndaej lae roengzdaeu lo. Gou dauqngex hwnj lauxsae ciengzciengz gangj, raeuz dwg dujva

guckcoj, nanzdauh dahniq neix mbouj dwg ha? Vih gijmaz de mbouj bae hwnjhag? Dwg aenvih ranz de mbouj miz ngaenz ma? Hoeng, seizneix raeuz miz haujai vunz cungj gwn ndei daenj ndei, ok dou lij miz giuzci naengh, nanzdauh raeuz couh yawjngoeng-ngoeng dahniq neix baenzngoeng gip nyapnyaj gvaq ndwenngoeng ha?

Raeuz daihgya fwngz gaem fwngz, caezsim roengzrengz, caez daeu bang dah niq neix, daeu bang gij lwgnyez lij mbouj ndaej doegsaw haenx, sawj gyoengqde caeuq raeuz itheij hwnjhag, itheij guhcaemz, angqangq yangzyangz gvaq ndwenngoeng.

(指导老师:韦丽平)

Daxmeh Gou

我的妈妈

贵港市覃塘区蒙公乡凌寺小学三年级 庾冰

Daxmeh gou mbouj sang mbouj daemq, louz byoem raez, lwgda gig miz saenz, bingzseiz raen vunz cungj dwg naj riunyumj. Daxmeh doiq gou iugouz gig yiemz, raen gou caengz guh cozyez sat couh bae guhcaemz seiz, aennaj de sikhaek “youz gvengq bienq raemh”, gou couh ganjgip bae sij cozyez. Yawjraen gou cozyez sij ndaej haemq ndei seiz, de cungj dwg haenh gou.

Miz baez ndeu, gou

cuengqhag ma ranz, caengz sij cozyez couh bae nyam dennauj lo. Daxmeh baez ma daengz ranz, couh cam gou guh cozyez sat caengz? Gou gangj guh sat lo, youh laebdaeb nyam dennauj. Byawz rox daxmeh heuh gou dawz cozyez okdaeu hawj de genjcaz, seizde gou mbouj rox baenzlawz guh cij ndei. Daxmeh raen gij yienghceij gou, gijmaz cungj rox lo. De heuh gou daengz henz ndang naeuz: “Yiz Bingh, mwngz seizneix yinvu

cujiyau dwg hagsib, sien sij cozyez sat caiq bae guh gijwnq.” Gou ganjgip bae sij cozyez, lujluj lajlaj sij mbat ndeu, youh bae nyam dennauj lo. Byawz rox daxmeh laeglemx yawj cozyez gou le naeuz: “Mwngz gvaqdaeu, lingh sij!” Gou gig mbouj cingznyiengh, hoeng daxmeh itcig heuh gou lingh sij gvaq. Gvaq le yaep he, daxmeh byaij gvaqdaeu, yawjraen gij cih gou beij yienzlaiz sij ndei haujai, angq dwk naeuz: “Mwngz nyinhcaen hwnjdaeu, couh sij ndaej gig ndei ha!” Gou dingq le ndawsim angq raixcaix.

Neix couh dwg daxmeh gou, boux daxmeh gvansim gou、yiemz iugouz gou ndeu!

(指导老师:陆雪燕)

Gwih Vaiz

骑牛

贵港市覃塘区蒙公乡凌寺小学四(1)班 邓骥

Ngoenzsinghgiz, gou gwn ngaiz le youq gyanghough guhcaemz, yawjraen gwnz gaiq dieghoengq liz ranz gou mbouj gyae haenx miz duz vaizmeh caeuq duz vaizlwg he. Duz vaizmeh daengx ndang ndaemmong, aendungx bongqbwdbwd lumj aengyong nei. Doiq gau de youh goz youh hung. Duz vaizlwg henz ndang bwn de beij vaizmeh mong, yawj hwnjbae raeuzredred, cingq baet diuzrieng raezrang de, ngaem gyaeu gwn nyangj diemzsisi. Gou sawqmwh siengj hwnj gou raen daxgoeng gwih vaiz gvaq, roxnyinh gig mizyinx, ngoenzneix gou hix gwih duz vaizlwg sawqsawq. Siengj daengz gizneix, gou couh yaeng’yaeng byaij bae coh duz vaizlwg.

Dauqdaej dwg vaizlwg, gou bae daengz henz ndang de, de yiengq gou hemq “mo mo mo” geij sing le, youh dauq ngaem gyaeu gwn nyangj. Gou miz di lau, lau de yungh gau daeu daemj gou, gou sikhaek dingz roengzdaeu. Gvaq yaep he, de youh ngiengx gyaeu hwnjdaeu yawj gou, lij aeu linx daeu riz gou. Gou baez mbeihung, couh aeu fwngz lumhlumh aennang de, de di ndeu hix mbouj doengh, gou couh benz hwnj gwnz ndang de, menhmenh naengh ndei.

Duz vaizlwg baez doeksaet, sikhaek diuq hwnjdaeu, siengj dawz gou daij gwnz ndang de bau roengzdaeu. Seizneix, gou ndawsim youh angq youh vueng, song gaiq ga geb ndaet ndang vaizlwg, song gaiq fwngz gaem maenh diuzcag caeuq bwnndang de, mboujlwnh de baenzlawz cak, gou cungj mbouj cuengq fwngz. Gvaq yaep he, vaizlwg raen gou mbouj dwg moeb de, couh menhmenh dingh roengzdaeu lo, doz gou cienq bae cienq dauq.

Gwih youq gwnz ndang vaizlwg, gou lumj gwih youq gwnz ndang duzmax, lumj boux ciengginh nei, daekaiq raixcaix.

(指导老师:陆小媚)

Ranzmbanj Gou

我的家乡

贵港市覃塘区蒙公乡凌寺小学三年级 覃婷婷

Ranzmbanj gou dwg aen mbanj youq laj dinbya liz ndaw singz gig gyae ndeu. Gizneix daengx bi raemx laecoco, go-faex heusau raemhrwd, hoeng-heiq singjsien.

Geiq ndaej sam bi gaxgonq, ndaw mbanj henz ranz, henz loh, henz dah gizgiz cungj dwg nyapnyaj, nengznyaen dauqcawq mbinhuhu. Moix baez daxdaiq daeu ranz gou, byaij daengz gyaeujmbanj, cungj nyaen aennang.

Hoeng bi’ gvaq daxdaiq daij ndaw singz daeujaengz ranz gou, caiq mbouj nyaen aennang lo, de naeuz: “Seizneix lajmbanj bienq seuq lo, gij hoengheiq baenzneix singjsien, gij raemx baenzneix saw, gijgwn youh mbouj miz ywnungzyoz…… gou nyienh youq lajmbanj youq lo.”

Gyanghaet, ranzmbanj gou gyoengq roeg’iq cici caca heuh

mbouj dingz, gij vahom nywjoiq yinx daeu haujai mbungqmbaj caeuq duzrwi. Gyoengq daxbuz mehsimj youq henz dah saeg buhvaq, daihgya gangjgangj riuriu, angq dangqmaz, miz seiz lij eu fwen dem……

Banhaemh ranzmbanj gou hix gig nauhyied. Youq vwnz-vasiz ndaw mbanj, sing go daij baihndaw cienz okdaeu, baihnaij vwnzvasiz lij miz cib lai boux mehmbwk niuj aen caekhaex diuqfoux ne! Gyoengqde cingq yungh gij foux gyoengqde daeu haenh saedceij vuenyungz.

Ranzmbanj gou seizneix gingjsaek gyaeunde, daengx bi va ciengz hai, hoengheiq singjsien, gijgwn lai ndaej gwn mbouj liux, daihgya ndaej-hoengq hix daeu yawjyawj ba.

(指导老师:覃学廉)

